



## GLION

### Premi da persistenza per Casa Sentupada

La Casa Sentupada, il menaschi gastronomic dalla **claustra dalas soras dominicanas** da Glion, ei separticipada al program naziunal Swisstainable. Igl ei in project che Svizra Turissem ha lantschau il 2022 per accentuar la persistenza ella branscha. Sco in da 30 menaschis gastronomic dil Grischun ei la Casa Sentupada sedecidida da collaborar al project «Food Save Grischun» encunter la dismessa da vivonda. E quei, sco quei ch'ella communichescha ussa, cun success. Duront il temps dil project d'in onn ha il menaschi stuiu prender mesiras concretas, far tests, examinar, mesirar, dumbrar e seschar accumpignar d'experts. Cun sulettamein 19,41 grams per persuna e gi ha la Casa Sentupada contonschiu il meglier resultat ella valetaziun dalla dismessa da vivonda. Sin fundament da quei resultat ha il menaschi retschert il certificat dil scalem 2 dil program Swisstainable. Pil schefcuschinier *Markus Niehaus* e sia squadra seigi la prestaziun contonschida ina gronda cuntentientscha, scriva *Steffen Schenk*, il menader dalla Casa Sentupada, ella comunicaziun. (cdm/fmr)